

и чюжа его имею извержена⁷ по правилом святых отец, яко же глаголет великий Афонасие Александрьский ко Антиоху князю о неведомых вещех освященных. || Вопрос: Аще муж свят послет казнь и⁸ мучение или беса, или смерть, или некое показание, на дом, или на чада, или на существо человеку⁹ и убо¹⁰ может ли человек он умолити инога святаго и убежати осушения,¹¹ его же¹² послал раб божий?

Ответ: Аще муж свят есть мучение послал яве, яко советом Божиим сотворил¹³ и кто есть прочее, иже совет божи возбранити хотя, обаче ж ни святии¹⁴ сами друг другу ратуют, сведуще любовный союз, яко не услышит господь святаго молитвою, возбранити хотящаго на святаго молитву ни бо есть се богови подобно единого убо оскорбити, а другаго успокоити своего раба.¹⁵ Отнюдь¹⁶ же в Коринфе соблюдившаго Павел связав, той и разрешил,¹⁷ и Илия¹⁸ убо такоже, ибо связав еже не одождити, той и разрешил.¹⁹ Паки також богу имушу седмь тысящ святых, иже не преклониша колена Валу,²⁰ паки досаждену бывшу Иову от своих ему друзей, что сотвори бог, простили им согрешение их, ни глагола им: Идете²¹ к рабу моему, Иову, и помолитса о вас. Якож во аггелех не сопротивно деется един другому! Сице и о святых нещую.

Слыши, господине, что глаголет писание! Кто убо связа, сей и разрешити может. Чрез сия же правила и надписание: || Кто дерзнет прияти таковаго в приобщение, тот²² сам суд имеет по правилом святых апостол²³ и святых отец²⁴ преданию.

Мне²⁵ же²⁶ последи ему²⁷ не буди²⁸ сотворити, яко же тебе обещахся, еже повинуватися неправдам. А за правду дай же ми боже пострадати. О сем вселенский учитель, апостол Павел, учит, глаголя: мне убо еже жити Христос, а еже умерети зань приобретение. Кто убо ны²⁹ разручит от любви Христовы? Никто ж. Кровь мою възыщет господь бог от рук ваших. Аз же чаю от владыки Христа мзды и воздаяния праведных.³⁰

Великаго ж Новаграда народи всею землею в сетовании и скорби бывша, оставше пастыря своего и учителя, и чудесем содейственика, и всем помощника, нищим питателя, просящим подателя тепла, и болным посетителя, вельможам кротка наказателя,⁴ и смиренным утеха,³¹ и скорбящим утешителя,³² алчущим кормителя, жадным прохладителя.³³

³⁴Мы ж³⁵ на подлежащее возвратимся.³⁶ Самодержец же Василий, слышав, что Симеон Серапиона оскорбляет, и повеле Серапиону быти в дому³⁷ живоначальной Троица³⁸ и преподобнаго отца Сергия чудотворца.³⁹ Серапион же прииде в монастырь святых живоначальных Троица⁴⁰ и к преподобным отцем Сергию и Никону.⁴¹ Игумен же || Памва и братия сретоша его честно⁴² и⁴³ прияша⁴⁴ с великим благодарением. Серапионъ же, видев игумена и братию, возвеселися⁴⁵ и той духом. И с ним прииде ученик его, Ияков,⁴⁶ архидиякон его,⁴⁷ муж благоговейн⁴⁸ и вне всякаго зазрения.

⁴ В ркп. ка написано над строкрой другими чернилами.

⁷ Нет У; низвержу Р. ⁸ или У. ⁹⁻¹⁰ Нет У. ¹¹⁻¹² в У повторено два раза. ¹³ сотворит У. ¹⁴ Доб. ни У. ¹⁵ раба УПТ. ¹⁶ Отнюду ПТ. ¹⁷ разрешив У. ¹⁸ Илья Т. ¹⁹ разрешил ПТГ. ²⁰ Ваау УГБ. ²¹ идите П. ²² той П. ²³ отец У. ²⁴ апостол У. ²⁵ А мне У. ²⁶⁻²⁷ последнему УТГБ. ²⁸ Доб. ми У. ²⁹ вы П. ³⁰ Доб. на предреченное возвратимся У. ³¹ утеху Г; тиха и приветлива У. ³²⁻³³ Нет П. ³⁴⁻³⁵ Нет У. ³³ Доб. всем всяк бив. У. ³⁴⁻³⁵ Нет У. ³⁶ Доб. настоящее же да глаголется У. ³⁷⁻³⁸ живоначальные Троицы ПС. ³⁹ Доб. отколе и на престол возведен бысть У. ⁴⁰ Троицы П. ⁴¹ Доб чудотворцам У. ⁴² Доб. обрадованно У. ⁴³ Нет У. ⁴⁴ Доб. его У. ⁴⁵ возвесели П. ⁴⁶ Нет У. ⁴⁷ Доб. Ияков и во всех скорбех с ним Ияков У. ⁴⁸ благовейн РТГ.